

JUDANÊ papia

Judanê papia nec ñac tau keto gebe ênam la lau êndêñ mêtê-geowaga, tañ sêsam tañ gebe lau-sêkêñ-gêwiñña êsêac nañ. Biñ tec teto gêc papia dambê tonec nec, kêtôm tañ teto gêc Peterenê Papia kêtú luagêcña nañ. Ñac-ketowaga kêkêli nê lau-sêsamwaga gebe “Anac siñ êtu biñ takêñ gêwiñ, tañ Anôtô kêkêñ gêdêñ nê lau kêtú dim tagenjen ma kêtôm nañña awiñman.”

Nadênañ

1. Gêjac m papia tau 1-2
2. Kêdôñwaga dansañ nêñ ñam ma nêñ biñ têdôñña to ñagêjô êtap êsêac saña 3-16
3. Gêlêñ biñ lau gebe sêsap sêkêñ êwiñ tôn ñañênjen 17-23
4. Gêjac mata ña mec lambiñña 24-25

Juda awa gêjac lau

¹ Jesu Kilisi nê sakiñwaga ma Jakobo lasi aê, Juda, ñoc biñ êndêñ êsêac, tañ Anôtô kêkalem êsêac nañ. Tamenji Anôtô têtac gêwiñ êsêac to Jesu Kilisi gêjam jaom êsêac gêmoa.

² Anôtônê taê walô to biñmalô ma têtac gêwiñ ênam sêga aña amacnê.

Anôtô êmêtôc kêdôñwaga dansañ

³ O lauace, aê taêc gêjam kêtú tôn gebe jato êndêñ amac ma jawa Anôtônê moasiñ ênam aêac kêsiña, tañ gêjac aêac samob ñawae nañ ñam sa. Ma galoc ñoc ñalêlôm kêkac aê gebe jato êndêñ amac ma jalêñ bi ñ amac gebe anac siñ êtu biñ takêñ gêwiñña, tañ

Anôtô kêkêñ gêdêñ nê lau kêtú dim tagenña nan êwiñ.

⁴ Ñamalac ñagêdô sêsap aêac ñalêlôm kelecgeñ. Êsêac dedec Anôtô ma sêjam aêacnêñ Anôtônê moasinj ôkwi e kêtú ôlinj ñakalac ñagêñ ma sêsa Ñatau tagen, aêacnêñ Apômtau Jesu Kilisi auc. Mêtôc tanj êsêac têtap sa nan, teto ñabinj gêc wanêcgeñ su.

⁵ Aê gabe jaôn biñ, tanj amac ajala samob su nan, sa anja nêñ ñalêlôm gebe taêm ênam êtiam acgom. Apômtau gêjam lau Israel kêsi anja gamêñ Aiguptuñ, mago sêkêñ gêwiñ atom, tec kêtú ñamu gesen êsêac su.

⁶ Taêm ênam anjela ñagêdô, tanj sejop tauñ nêñ gôlinj atom ma sêwi nêñ malen sinj nan. Anôtô gêsô êsêac tônj ña kapoacwalô tengeñña sêmoa gêsunbôm ñalabu gebe tau êmêtôc êsêac êndêñ bêc kapôên.

⁷ Taêm ênam Sodom to Gomora to malac, tanj gêc ñagala nan. Êsêac sêsa lêñ têtôm anjela tonan. Êsêac sêgôm gêñ mockainña kainj tenj to maten danguc tauñboa. Ñagêjô tanj kêtap êsêac sa nan, êkêñ puc aêac gebe êsêac sêsa ja tengeñña.

⁸ Lau-mêtê-geowaga tau sêjala biñ tonan, mago sêgôm biñ, tanj sêc mê kêpi nan, ñanô kêsa ma sêjac môp tauñ. Êsêac sesen Apômtaunê gôlinj su to sêsôm biñ alôb-alôb kêpi lau ñawasi ôña.

⁹ Anjelasêga Mikael gêgôm amboac tonan atom. Gêdêñ tanj êsêagêc Sadan sêsôm tauñ to sêjô biñ kêtú Mosenê ñawêlêlanña nan, enj kêtêc tau ma kêmetôc Sadan ña biñ alôb-alôb atom, enj kêsôm biñ tagen tonec gebe “Apômtau êmêtôc aôm.”

¹⁰ Ma lau tonec sêsôm biñ alôb-alôb kêpi gêñ, tanj sêjam kauc ñam nan. Ma gêñ nomña, tanj sêjala

kêtu tañ kêtôm bôc kaucmê sêjala nañ, tec gêñ tau tonanğen gesen êsêac su.

11 Ojae êsêacmêñ, gebe sêsa Kainnê lêñ ma têdaguc Balamnê keso kêtú têtáp awa saña to sêli biñ sa têtôm Kora, tec sêjaña.

12 Amac embe aniñ moasiñ awiñ taôm ma êsêac embe sêniñ sêwiñ tomajen êmbacğen, go têtôm ñatêmui, tañ jakêsap moasiñ tôñ nañ. Êsêac sen gêñ taêñ gêjam taunğen. Êsêac têtôm tao, tañ mu gêbuc ma kêdaba, mago kêkêñ kom atom nañ. Êsêac têtôm ka, tañ ñalaun kêsêlô, mago gêjam ñanô gêdêñ ñatêm atom nañ. Têtôm ka, tañ kêtú masê su ma kêku sa tomôkêğen.

13 Êsêac têtôm gwêc kêjaun, ma gêñ tañ sêgôm tomajen gêbacğen nañ, mênkêsa kêtôm gwêc ñaôpic. Êsêac têtôm utitalata, tañ sêsêlêñ seo-seogen nañ. Anôtô kêmasañ ñagêsunbôm ñakesec tenğenña kêtú êsêacnêñ gamêñ sêmoaña.

14 Enok tañ kêtú Adamnê wakucnêñ ñadênan ñañac kêtú 7ña nañ, geoc biñ Iasê kêpi êsêac wanêcğen su gebe “Alic acgom, Apômtau gêmêñ to nê añela 1,000 to 1,000,

15 gebe êmêtôc lau samob ma êkêñ ñagêjô êndêñ laudedec-Anôtôwaga êjô êsêacnêñ koleñ geo samob, tañ sêgôm nañ, to êjô lau sec, tañ dedec Anôtô nañ, nêñ biñ sec ñajaña kaiñ tenğen samob, tañ sêsôm kêpi enğ nañ.”

16 Êsêac sêoc gêdô to sêbu Anôtônê gôliñ. Êsêac sêsa nêñ lêñ têtac ñakalacña to awenğ ola sec ma awenğsunğen genogeno biñ gebe têtáp moasiñ sa anğ launêñ.

Juda gêjac biñsu nê lau

¹⁷ O lauace, taêm ênam biñ, tañ aêacnêñ Apômtau Jesu Kilisi nê aposolo sêsôm kwananğen nanmañ.

¹⁸ Êsêac sêsôm gêdêñ amac gebe “Êndêñ têm ñamuña lau-sêsu-susuwaga oc mênşsêsa, tañ sêsa nêñ lêñ sêndanğuc taun nêñ têntac ñakalac secña nan.”

¹⁹ Êsêac sêwa gôlôac êkôc-êkôc ma taêñ ênam gêñ nomñagen to sêwê kaiñ Nalau Dabuñ atom.

²⁰ O lauace, amboa taôm samañ, akô biñ takêñ gêwiñña dabuñanô tau ñaô. Nalau Dabuñ êpuc amac tôñ ma aten mec.

²¹ Amoa Anôtônê têtac gêwiñ ñalêlôm ma aôñ aêacnêñ Apômtau Jesu Kilisi nê taê walô êkêñ amac anğôñ matem jali tenğen.

²² Taêm walô êsêac, tañ sêmoa tonêñ ñalêlôm gêja lulu nan.

²³ Anam lau ñagêdô kêsi ma ajañgo Êsêac su anğa ja, ma taêm walô lau ñagêdô toatêc taômgen. Andec nêñ ñakwê, tañ sec ôliñña gêgôm ñatêmui kêsa nan.

Mec lambiñña

²⁴ Êndêñ ñac, tañ kêtôm gebe ejop amac gebe amben anaña atom ma etoc amac naakô ênê ñawasi ñanêmña tolanğmnêm sawa ma totêmtac ñajamgen nan,

²⁵ êndêñ Anôtô tagen, tañ kêtü aêacnêñ kêsiwaga kêtü nêñ Apômtau Jesu Kilisiña nan, ñawasi to wae kiñña ma ñajaña to ñaclai. Eñ gêmoa amboac tonan gêdêñ andanğenânô ma galoc ma oc êmoa enden tönğen. Biññanô.

BIBOLO DABUN
The Holy Bible in the Yabem language of Papua New Guinea
Buk Baibel long tokples Yabem long Niugini

Copyright © 1980 Bible Society of Papua New Guinea

Language: Jabem (Yabem)

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-03

PDF generated using Haiola and XeLaTeX on 18 Apr 2025 from source files dated 31 Aug 2023

447e01c5-a375-5452-ae54-b3f890293eeb